

बदलता कुमाऊँ

[कुमाऊँती भाषा में]



लेखक :

हरीश चन्द्र देवतला

ग्राम मल्ला मोहणा, पो. ओ. मासी, जिला अल्मोड़ा

प्रकाशक :

कुमाऊँती साहित्य सदन

३००५, बाजार सीताराम, दिल्ली-६

प्रथम संस्करण २०००] अप्रैल १९८३

Rs 10-00

ॐ
जहाँ सुमति तहाँ सम्पति नाना ।
जहाँ कुमति तहाँ विपति निधाना ॥

बदलता कुमाऊँ

[कुमाऊँनी कविता में]

लेखक :

हरीश चन्द्र देवतला
ग्राम मल्ला मोहणा, पो. ओ. मासी,
जिला अल्मोड़ा (उ. प्र.)

प्रकाशक :

कुमाऊँनी साहित्य सभ्य
३००५, बाजार सीताराम, दिल्ली-६

प्रथम संस्करण १०००] अप्रैल १९८३

16-20

शुभ कामना

मुझे यह लिखते हुए हर्ष हो रहा है कि श्री हरीश चन्द्र देवतला की कविता 'वदलता कुमाऊँ' पढ़ने का अवसर मिला। इसके मन में पर्वतीय जीवन व उस धरती के प्रति स्नेह है, जिसे इन्होंने इस प्रकार कविता के रूप में व्यक्त किया है। मैं इनकी सफलता की कामना करता हूँ।

डा० नारायण दत्त पालीवाल
दिल्ली प्रशासन

लेखक की आशावादी नकल

माँ की समता

पवित्र !

दो शब्द

ईश्वर या परमात्मा ने संसार में छोटे से छोटे एवं बड़े से बड़े प्राणियों को जन्म दिया है। उनकी (परमात्मा) की निगाह में छोटे बड़े को न देखते हुए सभी में आत्मा एक ही हुई है। परमात्मा सभी में व्याप्त है। छोटे तथा बड़े होने का भ्रम उन्हीं अपने कर्मों के फलस्वरूप मिलता है। परमात्मा ने अनेक प्राणी मात्र को जन्म देने के फलस्वरूप मानव भी उन्हीं प्राणियों में एक है। इस प्रकार अपनी जन्मभूमि सभी को प्यारी होती है उसी प्रकार हमारी जन्मभूमि 'उत्तराखण्ड' में है वहाँ की मान मर्यादा दिनों दिन जब मान उत्थान के पथ पर आगे अग्रसर हो रहा है। उतना ही अपनी जन्म भूमि के प्यार को भी भूलता आ रहा है। इस प्रकार क्योंकि वहाँ का वातावरण शहर से भिन्न होता है। इसलिए उसका उत्थान न होकर अपनी जन्म भूमि को पतन हो रहा है यह क्यों? क्योंकि वहाँ की जनता में एक अपना संगठन नहीं है। मानव का संगठन होना ही नितान्त आवश्यकता है। बगैर संगठन के जीना संसार में एक पशु मात्र ही है क्योंकि मानव एक सामाजिक प्राणी है तो उसमें समाज की भाँति ही सामाजिक गुण होने चाहिए। इन्हीं कारणों से जो मानव अपनी जन्म भूमि से लगाव कम करने जा रहे हैं उसके लिए मैं एक किताब लिख रहा हूँ। जिससे उसमें अपने बढसने हुए मातृभूमि की याद घावेगी और एक किताब में छन्द दिनों में ही प्रकाशित करने जा रहा हूँ उसका शीर्षक "माँ की ममता" इसमें भी कुमाऊँनी भाषा में बड़ी बड़ी दिलचस्प बातें लिखी गई हैं। कृपया मेरा यह पहला ही उस्साह है। आगे की मेरा आप सभी कुमाऊँनी जन प्रेमियों से सहायोग मिलता रहा तो यह किताब भी प्रकाशित हो जाएगी। कृपया इसमें जो भी गलतियाँ हों उनको माफ करना ईश्वर आप को सदा सहाय रहे।

देवतला

भूमिका

श्री हरीश चन्द्र देवतला हमारी कुमाऊं की बोली के नवेदित कवि साहित्य मैदान में आए हैं। इनका प्रथम प्रयास है। इन्होंने अपनी लेखनी द्वारा आज से ३५ वर्ष पहले कुमाऊं में जमीन और आसमान के समान परिवर्तन दर्शाया है इसी कारण से पुस्तक का शीर्षक 'बदलता कुमाऊं' रखा है।

वैसे तो संसार ही परिवर्तनशील है। लेकिन कुमाऊं की भूमि जो कि देव भूमि कही जाती मानी जाती है। उस भूमि में रोजाना काम आने वाली हर ज़रूरत पूरी होती थी। सिर्फ एक तमक और कपड़ा छोड़कर कोई भी वस्तु खरीदनी नहीं पड़ती थी। नाज दालें, फल, फूल, दूध, दही, सब्जियां कोई भी चीज बाजार से नहीं लेनी पड़ती थी। आज का समय धीरे-धीरे यहां तक बदल गया है कि नाज और पानी की भी कमी हो गई है। इतनी उन्नति अवश्य हुई है कि सड़कों का जाल पूरे कुमाऊं में फैल गया है। व्यापार भी उन्नति पर है। बिजली पानी की व्यवस्था भी हमारी भारत सरकार पहुंचाने की कोशिश कर रही है। फिर भी कुछ गांव ऐसे हैं जो बिजली तो दूर रही पानी का पहुंचना भी कठिन है। आशा पर संसार कायम है धीरे-धीरे सब कुछ होगा। मैं लेखक के इस प्रयास की सराहना करता हूँ। आशा करता हूँ कि भविष्य में ऐसी रचनाओं को समाज के सम्मुख प्रकाश में लायेंगे।

शुभ कामनाओं सहित !

पुरुषोत्तम दत्त पालीवाल

सुपुत्र

स्व. चिन्तामणी पालीवाल

संयोजक : कुमाऊं की साहित्य मण्डल, दिल्ली

सरस्वती वंदना

सरसोती माता हूणी मेरी नमस्कारा ।
 हाथा जोड़ी बिन्ती कनु तुमरा दरबारा ॥
 पंचनामा देवा तुम है जया दयाला ।
 गरीब भूख छौं मैं करी दिया खयाला ॥
 गांव का जो इष्ट देवा धन तेरी माया ।
 पड़णी सुणणी सबा अमरा है जया ॥
 भल कई रछ ईष्टा भल लै करण ।
 देशा ले प्रदेशा जानु त्य सहारा रहण ॥
 जथां लें बिपता अई लिनो त्यर नामा ।
 फुल पाति चड़णक हमर लै कामा ॥
 सबु पै नजरा कये जो रहछ जति ।
 अबटा का बट धरी भली दिया मति ॥
 त्यर लै भरस पारि कागज लेखनू ।
 गरीबी जीवन म्यर हाथ जोड़ी कनु ॥
 जो कुछा गलति हैली मैं माफ करण ।
 वरदान दिये देवी आधीना लेखण ॥
 जग जगा मज हम मन्दिरा लै थान ।
 दुनि मजा भव जग तुमर लै मान ॥
 कधीना लै को करुछ सिद्धि लकी कामा ।
 कामा लै पछोना होछ पैली त्यरनामा ॥

भगवती भूमियां तुमा है जया दयाला ।
 जमाने की बाता भया करो लिया ख्याला ॥
 दुनी मजा जतु देवी में जोड़नू हाथ ।
 घर बना जथा जोछा दिया तुम साथ ॥
 किताबा लिखनु देवी इकासी सनमा ।
 तुमलै पावणु ईष्टा दी रछ जनम ॥
 जते ले गलता हल म्यर दिया साथ ।
 अधीना लिखण रयु नौ पुराण बाता ॥

स्तुति मां शेरा की

ओ मां शेरा बाली मां तेरी हैजो जै जै कारी ।
 मैं त्यरी शरण ऐरूँ य दुखिया भारी ।
 अष्ट भुजा देवी मां तु पहाड़ों में रैछ ।
 जथाँ लै विपता अई तु ठाड़ी हैजैछ ॥
 जग जगा जैछ त्यरी शेरै की सबारी ।
 मैं त्यरी शरण ऐरूँ य दुखिया भारी ओ...
 लाखों याँ दुखिया आनी त्यर दरबारा ।
 य हमरी नाव माजी तू लगैया पारा ॥
 अरजा लिवेरा आनी सब नर नारी ।
 मैं त्यरी शरण ऐरूँ य दुखिया भारी ॥...
 नव दुर्गा नाम माजी तुमर मसूर ।
 जो शरण आँछ दुख कैछै दूर ॥

तुमलै मां दुनिया का राक्षस मारी ।
 मां त्यरी शरण मजा य दुनिया सारी ।
 ओ मां शेरा वाली मां त्यरी है जो जै जैकारी ।
 में त्यरो शरण ऐरु य दुखिया भारी । ओ...

卐

अपना परिचय

जनम हेतु सब कह पितु माता ।
 करम शुभा शुभ देहि विधाता ॥
 थोड़ा बाता भाई लोगो आपण लेखनु ।
 गरीब क च्यल छौ में हाथ जोड़ी कनु ॥
 पढ़िया लिखिया निछो निछ ग्याना ध्याना ।
 हे ईष्टा सुमति दिया विश्नु भगवाना ॥
 पहाड़क रणी मैछी मोहणा में गौछ ।
 देवतला जात मेरी हरीशचन्द्रा नौछ ॥
 मासी में डांखाणा मयर पट्टी छू गोवाड़ा ।
 अल्मोड़ा जिल मयर रंगील पहाड़ा ॥
 दिया छै बेहणी म्यरा भाई छौ में एका ।
 बिपता जै याद ऐछ ले जाछ उदेखा ॥
 तीन साल तान छिमै बौज्यू मरी गया ।
 छव्ट छव्टा भाई बैणी निराश ह गया ॥
 बैणी म्यरा दिया ठुल्ला में छों छव्ट भाई ।
 करमै की रेख भया को सकौछ टाई ॥

बुडीया छु ईज मेरी कमजोरा भारी ।
 बौज्यू मरी बटी सबा इजें जुम्मेवारी ॥
 भौत दुख छख भागी य मेरी इजैलै ।
 बिपता का टैम पारी साथ नी दी कैल ॥
 मैत की तरफा बटी ईजा छु दुखिया ।
 आम दुख नी देखियन जाले ज्यौन जिया ॥
 ईजा मैत भाई नीछु आम छु बुड़िया ।
 मकोटे की याद ऐछ भरि आछ हिया ॥
 इजा म्यरा चार बैणी भाई कवे नी हय ।
 आठ साल भाई इजक करमें नी हय ॥
 मैत यादा इजें ऐछ भरि जाछ हिया ।
 को कथें संचले नहैं जालै ज्यान जिया ॥
 चार बैणी इजका छै सबु हैरौ भल ।
 आघिना ऊ इष्ट देवा जाणी कस कल ॥
 च्येलिया बिवाया इजले म्यर ब्या लै कय ।
 भौत लै बिपता देखि कस कस हय ॥
 निभैं है इजलै मेरो सारी जुम्मेवारी ।
 आपु लोगों आशीवाद भली मिली ब्वारी ॥
 एक बैणी दौला म्यरी एक निरकोटा ।
 सुरे में सरासा म्यर सिमलचौर मकोटा ॥
 हीराबल्लभ त्याड़ी म्यर सौर ज्युक नामा ।
 ऐल ऊ रिटायर छैं घर कनी कामा ।

दिय म्यरा छवटा सावा तीन जेठी सासु ।
 मोटरै की लेन जेछ सुरे ग्वैला खाश ॥
 ठुलो कैजा दौला म्यरी छोटी पाली रैछ ।
 सबु हैबे छोटी कैजा अमै सेवा कैछ ॥
 छोटी कैज घर म्यर खाश लै बजीना ।
 अमै सेवा हणी कैजा नी हनी पछीना ॥
 अस्सी बरसे बुड़िया छु मकौटै की अमा ।
 रात दिना दुख दिनु सब भण हमा ॥
 एक छु पुस्याणा मेरी घर कै बुड़िया ।
 पुस्याणी का दुख देखी भरा आँछ हिया ॥
 छोटी लै उमर मजी है गई विधवा ।
 ईश्वरा का हाथ पारी सबु कुछ कवा ॥
 नीम धरमें पारा रैछ य म्यरी पुस्याणा ।
 जप तप दान कैछ पाठ लै पुराण ॥
 भल नामा चलै रछ मैता का धरमा ।
 धन्य हो य पतिव्रता नारी क धरमा ॥
 एक म्यरा खाश मित्र जवयों मज रनी ।
 देवता जागेरी लगै सबु भल कनी ॥
 खिमानन्दा नाम तैक भौत मेलदारा ।
 कदीना जै मिलि गोय खुशी है अपारा ॥
 बड़े छन नेक ख्याला जागेरी लगानी ।
 आपण लै दुख छोड़ी मैसों काम जानी ॥

दुनिया का भल मैंसा चलै रौछ नामा ।

सब बीर देवतों का इनरा बसमा ॥

ईतु बाता भाई बन्दो आपण लै लिखा ।

विपता जे याद ऐछ लै जाछ उदेखा ॥

जो कुछा गलतिया हली मैं माफी मांगनू ।

दिली भजा प्राईवेटा काम में करनु ॥

प्यासा गांव मोहणा

मेरे प्यारे भाई बहनों अभी तक आपने मेरी आप बीती पढ़ी होगी लेकिन थोड़ा अब आप सब पर बीती सुनो जो कि पानी की घोर समस्या होते हुए भी हमें मजबूरी में जीना पड़ रहा है मैं आशा करता हूँ हमारे परम हितैषी दयालु सज्जन कोई तो हम प्यासों की ओर सरकार का ध्यान दिलायेगा । विशेषकर श्री हरीचन्द रावत, श्री नारायण दत्त तिवारी जी से हमारा निवेदन है बल्कि हमें पूर्ण विश्वास है कि जल संकट से हमें छुटकारा दिलाने का भसंक प्रयत्न करेंगे ।

सब्रु हैं निवेदना छू जोड़ी बेर हाथ ।

अब सुणी लियो एति पाणी की आफता ॥

सरकारा रोजे दिछै पाणी आश्वासना ।

एक मैलौ पाणी ल्याने बीणी रोई नना ॥

दूर दूर पाणी ल्यहें बुड़ बाड़ी जानी ।

बल्दा का मारिया जसा रुने घरा आनी ॥

पाणी ल्याने ल्याने भागी हम परेशाना ।

कबे सजना दिअो भागी हमु उज्याणी ध्याना ॥

हमरी अरजा छ य सरकारै हणी ।

कसीका कटनी दिना मोहनतोई पाणी ॥
सब सरकार केंछ है पशु पालन करो ।

हमरा ईलैका केंछ बिन पाणी मरो ॥
पिहणी ले पाणी निछ खाहेणी बिलैका ।

तीस गोंछ बिन पाणी हमरा इलैका ॥
एक गागर पाणी ल्यहैसे ऊठी बै जानी ।

पाणी बिना साग जईजा इथां ऊथां चानी ॥
ऐला ठेटा हौन मजा पाणी की आफता ।

गर्मी में बिन पाणी हैजैछ कुगता ।
रोजें लगि रेंछ भागी पाणी की अघ्यारा ।

उज्याव लै हैनी सकन पाणी की फिकरा ।
पाणी की आफता भागी कां तक लगानु ।

बिन पाणी मछा जसा हम तड़फनु ॥
सन सेंतालिसा मजा देश ही आजादा ।

बोट लिहै मैं मैं कनी पें निरनी यादा ॥
भैंस गोह के तिल्य हैजा मँस लै बिमारा ।

हमु हणी यस कय धन सरकारा ॥
हरीशचन्द्रा रावता ज्यु सुणी लिओ बाता ।

हमर पाणी कतु अर्जी छै तुमरा हाता ॥
कबा तका पाणी आलो साँची लै बताओ ।

हमरा थो पाणी अर्जी आधीना बढ़ाओ ॥

पाणी लिजी रावता ज्यु कुछ करो तुम ।

हमरी समस्या भागी तुमु कै मालुम ॥

हमु कै रावता ज्यु पै पुर छ विश्वासा ।

हमरा इलैका बटी जितिया छा खाश ॥

卐

कुमाऊ की फलक

कुमाऊ इलाक भया कतु भल मान्यों ।

नीचा लै गध्यरों मजा उचा ऊचा डान्यों ॥

ऊंचां ऊंचा डान्यों मजा बाजा लै बुरुसी ।

धारमा भै बेरा भया कतु भली खुशी ॥

बिना लै बुतिया एति डवा जामी जानी ।

अणीयाँ जणीयाँ लोग सेवा में भै जानी ॥

धन धना भगवाना धन तेरी माया ।

हमरी कुमाऊँ धरती अमरै की काया ॥

गोरु बाछु घास ऐति पाणी लै पिहणी ।

मेहनता करी बैलै है जाँछ खैहणी ॥

और देशा लोग भया उन्नती कै गया ।

हमरा पहाड़ मजा गरीब रै गया ॥

घर बटी दिल्ली आनी नौकरी कैहणी ।

जमीयां नौकरो नी हई जग न रहैणी ॥

आजकल पहाड़ा में सब चीजों सुख ।

मोटरा यो गाड़ी चला आब निछ दुख ॥

अब ता पहाड़ा मजा सब चीज सजा ।

को जमान पैलि छिय को जमाना आज ॥

पैलिया का बुड़ बाड़ी देख भई आज ।

आज कला हई रह सैणियों क राजा ॥

आपणी जमानें बाता ऊनु यादा आनो ।

घनघोरा कलयुग में कणी देखिया रै जानी ॥

रुख सुख जस खैंछो फिर लै तगड़ा ।

आजा का जमाने मजा मिजातल उजड़ा ॥

पैलियाका लोग भया कतु छिया भल ।

दौड़ा लै रुवैया छिया एकनी डबला ॥

कपड़ा खहरा छिय ऊनै की आंगड़ी ।

पैलिया जमानै हवैं आज कतु बड़ी ॥

पैलिका चौसट पैसा आज रुपे हनी ।

छव्ट छोटा ननु जो जे बिड़ी उड़ैं जानी ॥

तमा का चौसट पैसा भौते ज्यादा हछो ।

एकनी दवनी कवैं कतु चिजा ऐछो ॥

पैलि भागी रुपेंय की भौत छी इजता ।

पाठ लै पुराण कैंछी और कैंछी कथा ॥

आजकला रुपेंया की के नैंहै इजता ।

मुनवा बुलबुली चैनी खूट पर ज्वता ॥

तैवघता दी डबला भौत चीजा ऐछी ।

दूर दूर जाई बेरा मेहनता कैंछी ॥

पैलिया का नना तिना पाई अना ल्येछी ।
 फाट पुराण जस मिल सब ऊ पैरेछी ॥
 घनघोरा कलयुग मजा दिमाग यों बड़ा ।
 नी पैरन हम कनी फटिया कपड़ा ॥
 फटिया कपड़ा कणी धरो दिनी कुणा ।
 घन घोर कलयुग भौत अबगुण ॥
 जमाना लै बड़ी गोय बड़ी गो मिजाता ।
 नईयां जमाने भांगी के लगान्द बाता ॥
 फटीया कपड़ा कणी सबा कनी जमा ।
 सुलारी नी पैरन कनी ल्याओ बेलबोटम ।
 बेलबोटम के हैं च्यला मकें बतें छल ।
 फाटी पुराण सब पैरा मैकणी खैदयल ॥
 हामुलें ता बेलबोटम नाम लै नी सुण ।
 घन घोर कलभुग लें य कस कस कण ॥
 हमर लें जमान भागी कस लें हनल ।
 कभे आल ऊ जमान मैकणी खैदयल ॥
 पैलिया का लोग भया रामनगरा जाछी ।
 एक मण ब्वज लिबै घर हणी आंछी ॥
 दवनी का भेली ल्याछी एकनी का लुण ।
 घनघोरा कलयुग मजा ऐ गोछ निहुण ॥
 हमरा जमाने मजा के कि नै फिकरा ।
 य जमाने मज देखो सवा लें अकरा ॥

गुड़क कटुक खाँची मनुवां का रव्ठा ।
 माव जाई बेरा ल्याछो दी पैसा का गट्टा ॥
 दी पैसा का गट्ट भागी भौत आई जैछो ।
 सब भाई वेंणी भया मिली बेंटी खैछो ॥
 यां बेंटी राम नगर भौत भण जैछो ।
 नगरा आटई जसा खुट हई जैछो ॥
 ऊ जमान भाई बन्दौ भौत मेलदारा ।
 एकन क एक गोव चवनी का चारा ॥
 एक दिना भाई वन्दो माँऊ जेण ठरी ।
 पेट का लिजिया भागी कसो कवा करी ॥
 तीन दिना तक हमा बटपन रय ।
 दगड़ी छी साथ मजा कस कस हय ॥
 बटा लै अबटा हया अन्यारी छी राता ।
 ऊ जमाना इतु भल के लगानु बाता ॥
 बातु बातु मजा भागी हई गे उज्याई ।
 सबु का पाराणा भागी ठौर मजा आई ॥
 रामनगर आई बेरा खरीद समान ।
 यस ऊ जमान छीय लगै लिअो ध्यान ॥
 एक मणा ब्वज कणी धरी ली ख्वरमा ।
 रुख मुख जस खाँछो भोतैं छिया दम ॥
 सस्तक जमान छिय नीछी महंगाई ।
 घनघोर कलयुग जाणी कां बटी य आई ॥

आपण जमान मजा कस कस दख ।
 घनघोर कलयुगे मजा कस कम धक्क ॥
 आवु सुणी लिओ भाई नईया जमाना ।
 उल्ट सिद जस लिख लगै लिया ध्यान ॥
 च्यल कौछ बौज्यु हणी कसी बाता कई ।
 हमरा जमान मजा मज आई रई ॥
 भल हय आई गोय नईया जमान ।
 खबर मजा धरो बेरा को ल्याछि समाना ॥
 मुसिवते बात बौज्यु कीहणी लगैछा ।
 मकै नान देखी बेरा तुम लै ठवौछा ॥
 आपणा जमाने वाता किहैणी लगैछा ।
 रगील जमान ऐरे कस देखी जछा ॥
 यां वटिका रामतगर को हमर जाल ।
 रगील जमान बौज्यु तुमुकै खैजाल ॥
 माऊ रामनगर बौज्यु आब को जाछ ।
 घर बैठी बेरा भागी ग्यों चावो मगांछ ॥
 आज का जमान भया कथे किहें जानी ।
 राशन का ग्यों चावल घर बैठी खानी ॥
 कस हई रछ भया पहाड़ इलाका ।
 खेती मजा पुर नी हन पै त्यानी बिलैका ॥
 हमुलै नी सुणी भागी राशन का नाम ।
 कस लै जमान ऐगो सुणी लियो रामा ॥

पैली पैली सुण जवा आईरछ गल ।
 राशन का नाम सुणी मारी गे अकला ॥
 को खांछी राशन भया खेतो का ग्यों धान ।
 के कण राशन लिवें फट लगै दान ॥
 को खाल राशन कैछी सड़ीया छु नाज ।
 को जमान पैली छिया कोजमान आज ॥
 को हनल जोगी केछी को खाल राशन ।
 घर कणी हई जांछी पेट भरी अना ॥
 ग्यों चावला भौत हछी सागैं की बहार ।
 आज का जमान मजा राशना छा प्यार ॥
 राशन का नाम सुणी कामा लै छोड़नी ।
 राशन लिहैणी भया सवा लै दौड़नी ॥
 राशन दुकान मजा लागि रछ तोल ।
 किलो का वजना देखी भट हैजां गोल ॥
 किलो का वजन मजि दिया माणी चड़ा ।
 महगाई देखी बेरा गरीबा उजड़ा ॥
 राशन लै जतु मिल पिसी ल्यानी घटा ।
 बेरैऊ खतन हैजा फिर लाग्ग बटा ॥
 सैणी नना सब जानी ठूल जानी बैका ।
 उधीना राशन नी मिल पै ल्यान बिलैका ॥
 घर क लौ नाज भया दी भौहण खानी ।
 नाज पाणी बितो गोय बिलैका वे ल्यानी ॥

यस हय भाई बन्दों जमाना लै आजा ।
 मैमू की निचलनो सीणिया क राजा ॥
 भल छी जमाना पैली मिली बटी रैछी ।
 बुड़ बाड़ी नना तिना मेहनता केंछी ॥
 उनरी मेहनता भया है जैछी सफला ।
 टेमा टेमा दयो है जाछी नाज होंछी भला ॥
 सबा चीजा टेमा पारो हई जेंछी तबा ।
 मेहनता केंछी भैया बुड़ बाड़ी सबा ॥
 भल छी जमान भया भल छी बखता ।
 को चीजै की बिना भया नी रैछी फगता ॥
 सबु मजी मेल छिया भल छिय प्यारा ।
 सुणछी भगवान भया उनरी पुकारा ॥
 पैलियाका लोग भया जैछोया पैदल ।
 आजाका जमान मजा मंहगाई कल ॥
 अबा सुणी लिओ तुम तइया बयाना ।
 पैलिया का बुड़ बाड़ी लगै लिया ध्याना ॥
 नी जाना हो रामनगरा समाना लिहणी ।
 बजारा ता हई गोछ सबु घरु कणी ॥
 डालडा क ध्यों चली र सड़िया लै तेल ।
 मोटरा यो बस चला चली रई रेल ॥
 ईथां उथां जथां जानो बैठनी गाड़ीमा ।
 को जाल हमर कनी कराई ठाड़ीमा ॥

गाड़ीमा जणी लोगां भरी रई सीटा ।
 गाड़ी मजा जगा नी रनी हैरे कीटा कीटा ॥
 गाड़ी मजा बीठी टिकटा लै लिनी ।
 जेव क बटुवा निकाली भट पेंसा दिनी ॥
 पैदला जेहणो भया करनी आलस ।
 उ जमान भल छिय य जमान कस ॥
 य कितावे पारी भया ध्यान लगै लियो ।
 छवट छवट ननु की तुम बात सुणी लियो ॥
 दुकानमा जाई बेरा गटलै बेटनी ।
 चहा और समीसु क औडर ले दिनी ॥
 चहाक औडर दिनी कुर्सी में भै बेरा ।
 गड़वड़ी चहा पीनी यस अन्धेरा ॥
 पैलिया जमान मज गुड़क कटका ।
 उ जमाने वात सुणो दिल करू धका ॥
 घनघोरा कलयुग मजा फसका उड़ानी ।
 मंहगाई देखी बेरा समझ नी आनी ॥
 पैलीक जमान मज भौते भल मेला ।
 मडुवा का रवट खैछी भुंगरा का डैला ॥
 खुन्डी वाला भेस रैछी बल्द लै भाबरी ।
 पुराण जमाना देखी आजै दशा तरी ॥
 तै बखता खूब रैछी बकरा ढिपरा ।
 भाबरी बल्दों का गवा घना लै नेवरा ॥

तै बखता चली रौखी कपड़ा खहरा ।
 आज क मिजात मजा खाली भरफरा ॥
 कतु साल चली जाछी कपड़ा लै तबा ।
 को बघता पेली छिय को जमान अवा ॥
 भल चली रौखी भया मलेसी कपड़ा ।
 य जमाना आग लैर दिमाग यो बड़ा ॥
 य जमान मज भया मिजाता बहत ।
 फैशना निराले हैर कसी लै कहता ॥
 फुलों बाव कपड़ा चल रहोंछ सड़ीया ।
 सड़िया लै को नो देखन चहेंछ बड़ीया ॥
 आज कला कपड़े की इजता नो हनी ।
 कुर्ता लै सुलारा हणी सौ रुपया चैनी ॥
 सौ रुपै लागणा मजा मस्त ऐरो कनी ।
 पैंटा जै बनौला कय दी सौ रुपै चैनी ॥
 नईना जमान लै य कसी कवा कई ।
 पैंटा की सिणाई ऐला तीस रुपै हुई ॥
 के कनु हो भाई बन्दो बघतै की बात ।
 जतकणी गलता हल म्यर दिया साथ ॥
 जस लै कपड़ा हय उस हया दामा ।
 बुड़ बाड़ी कणी ऐजे आपणी लै फामा ॥
 ए जमाना ऐल हय अब कस आछ ।
 ए धुणी कपड़ा पैरा रंग उड़ी जाछ ॥

ए बघता ऐल ऐरे जाणी कस लै देखनु ।
 कपड़ा का हाल भागी का तक लेखनु ॥
 पैलिया जमाना मजा नी छीया मिजाता ।
 पुराणी जमाना भया के लगनु बात ॥
 ऊनै की आङ्गड़ी रैछी जुटै की घागरी ।
 ख्वरा मजा सीन रौछी पाणी की गागरी ॥
 भल छी बखता भया भल छी जमान ।
 ऐला हाल देखी बेरा फट लगै दान ॥
 पैलिया जमाना मजा बोरिया दिसाण ।
 य जमानै मज देखो तकिवा सिराणा ॥
 गद्दा लै बिस्तरा भागी पलंग बिछानो ।
 बजारै की चीज लिबै घर कणी खानी ॥
 पैलिया जमाना मजा ग्यौ धानु भकारा ।
 आज्ञा का जमानै मजा राशना में प्यारा ॥
 तबा कै लै बुड़ बाड़ी मेहनता कैछी ।
 साल भरी हैं खेती नाज भितेरा लै रौछी ॥
 य बखता मजा भाई चली री मोटरा ।
 मोटरै की लेन ऐमे सबु घर घरा ॥
 बदल बखता भाई बदला जमाना ।
 घर घरौ मज हैरो बिजली चमना ॥
 ऐल लैके भल मान्यो कुमाऊ में प्यारा ।
 जगा जगा खुली रई नई नई कारा ॥

बिजुली का चली रई जग जगा घट ।
 गाड़ी मजा बैठी बेरा लागी जानी बट ॥
 नाजै कणी भट पिसी बिजुली मशीना ।
 को पिसल जानर कनी कं ऐरे अदीना ॥
 को कुटल भुणर कनी को कुटल धाना ।
 के बुलैछा सासु यस फट लेंगे दाना ॥
 मोटरा में जौल कनी पिसी ल्यौना चकी ।
 एक घन्टमा आई जौला डर हई कंकी ॥
 पहाड़ा मैदान हैगो मोटरै की लैना ।
 पहाड़ा में हैगी आदु सब चीजा चैना ॥
 पाणी की इस्कोमा बती नैधणा गोय पाणी ।
 हमरो लै कुमाऊँ की भौत मीठी वाणी ॥
 नैधणा बै पाणी गोत गौनु बारा पारा ।
 पहाड़ा का हाल मुणी खुशी है अपारा ॥
 पैलिया का बुड़ बाड़ी के जाणछी नला ।
 दुर दुर जाई बेरा पाणी ल्यछी बला ॥
 आपणी जमाने बाता हमु कं बताती ।
 य रंगील टैम देखी समजा नो आनी ॥
 पुराण जमान मजा ती छिया मोटरा ।
 माटरै कं देखी बेरा लागी जेछा डरा ॥
 पैलिया का बुड़ बाड़ी सोद साद रछी ॥
 मोटरै कं देखी बेरा के हनली कछी ॥

पैलिया का बुड़ बाड़ी तमाकु लें पिछि ।
 जो आय भिखारी भया माण मुट्ठी दिछि ।
 तेंबघता तमाकु को ह्वका लें भरछी ।
 ऐ चिलमा तमाकु कें कतु झणा पिछी ।
 उ जमान भाई बन्दों भौत छीय भल ।
 सलाई क खचें निछी पाड़ीछी अग्यल ।
 भल छी बघता भया भल छीय प्यारा ।
 कुमाऊँ अमर हैजो धरती का चारा ।
 धन धना जमाना लें धन तेरी चाला ।
 अबा सुणी लियो जरा नौ जमाना हाला ।
 छवट छवटा ननु जेगन बिड़ी लें सिलाई ।
 हमरा इलैका मजा के बिड़ी चलाई ।
 कै हैंती लें बिड़ा रनी कै हैंती सिगरेटा ।
 बिड़ी जे नी पिय उनुलु नी भरीयन पेटा ।
 बघता बदली गोय कये लिखनु हाल ।
 अनपढ़ नान छीं मैं करी दिया ख्याल ।
 नईयां जमाना मजा ऐस घर घरा ।
 सब चीज सुख हैरे नै हाति फिकरा ।
 गोंनु गोंनु पाणी नैगो पाणी की बहारा ।
 भौत चीजै सुख हैगो धन सरकारा ।
 धन धना सरकारा भल कई रछ ।
 काम कहैं मन नी कन भल हई रछ ।
 जतकणी गलतीया हली मैं माफी मांगनु ।
 बघता बदली गोय के हाला लेखनु ।

चाय का रिवाज

सुणी लियो भाई बन्दो चहा का जों हाल ।
 खाणपिण पछोनी चैच पैलो चहा ख्याला ॥
 अंगरेजों ले बलाय य चहा क रिवाज ।
 चहा ले बिगड़ो गया हम लोगा आज्ञा ॥
 चलै गया अंगरेजा चहा क रिवाज ।
 ते बघता हय भागी उनर ले राजा ॥
 सुरु सुरु मजा जबु चहा लकी चली ।
 लोग जैछी बजारा में कैछी के हनली ॥
 चहा का डरामा छिया जग जगौ कणी ।
 पिजाओ पिजाओ कबै कय सबु हणी ॥
 सुरु सुरु मज भया चहा पिया जबा ।
 एकै कणी मिट्टी लागी आई गया सबा ॥
 अणीयां जणीयां लोग सब चहा पिनी ।
 चड़कनी चहा हई गडबडी चीनी ॥
 य कसीका बनाई हनलो सबा भणा कनी ।
 जाणी इमें भाई बन्दो के मसला रनी ॥
 पिणीयां ले लोग कैछो भल इनर सोप ।
 कसी चिजा बनै रैछ पिणा में अजीब ॥
 चहा की ले भाई बन्दो जब लागी मिट्टी ।
 तबै की गडबडी चहा आंखों मज रीटी ॥

तब का चहा गिलास फीरो में पीवाय ।
 मुणी मुणी कर्ने भया सब चली आय ॥
 चहा क असल लागो घरे कै बनछी ।
 चहा बनाणी अब भया आइगोछा कैछी ॥
 चहा की कीतली धरनी चुलमा ।
 अंगरेज करी गया चहा का जुलम ॥
 धीरे-धीरे कर्ने भया दुकानों में चली ।
 चार लै गिलास हय ऐक लै कीतली ॥
 तब हय भाई बन्दो सस्तक जमाना ।
 पांच पैसा गिलास हय गिलास चमकना ॥
 ठूल लै गिलास हय भरी बटी दीछो ।
 एक गिलास चहा का पांछ पैसा लिछी ॥
 पांछ पैसा गिलास में चहा भौत भली ।
 साफ लै रहछी उनरा गिलास कीतली ॥
 पांच पैस चहा कणी मैहेंगा बतैछी ।
 के पीड़ी य चहा कैवे सब भणा कछी ॥
 चहा पित्रै भाई बन्दो हम लै कै कौला ।
 जहां जै य चहा पोला तहां के लिजौला ॥
 मुणी मुणी कना भया पड़ो गोय अमला ।
 बुड वाड़ी नना तिना सबु पड़ कल ।
 सब हैबै भाई बन्दो चहा चैछ पली ।
 सबु का घरमा हई चहा की कीतली ॥

राती परा से उठा चहा लै बनानी ।
 राती परा से उठी बै चहा कणी चानी ॥
 चहा बनी नी जै देखी नी लागनी बरकता ।
 धन धन य जमाना धन रे बखता ॥
 राती परा सबु का घरमा चहा लै बनानी ।
 छट्ट छट्ट नना जो छै व्यल लिबै आनी ॥
 ठुलु हैवें छट्टों कणी चहा क अमल ।
 धन धन चहा कनु धन त्यर कल ॥
 सबु हैवें पैली चहा जैकी चैछा ।
 सबुका घरमा भया कीतली बाजीछा ॥
 मुणी मुणी कनै भया भौता चली गेयी ।
 चहा क अमल पड़ कसी कस हयी ॥
 पैली पैली चहा हुई पांछ डबल गिलास ।
 अब देखो भाई बन्दो चहा की तलास ॥
 पांछ की लै दस हुई, दस की पन्दरा ।
 जतुक मैहंग हैमै बाकी भर फर ॥
 अब हैगै चवनी गीलास खुशी हैबै पीनी ।
 पच्चीसा का तीस लिले भली बनये कनी ॥
 धन धन चहा कनु धन त्यर रोवाज ।
 को जमान पैली छिया को जमान आज ॥
 चीनी दूध नी लै हय फिकै लै पी जानी ।
 चहा बूलम धरी देखी कतुका ऐजानी ॥

कीताली चूलमा धरी डाली दिनी मत्ती ।
 चहा पे बिगड़ी गेई सब भणू मत्ती ॥
 नना तिना सब पोनी ठुल पोनी बुड़ ।
 लाल पाड़ी हय भया बलदीया गुड़ ॥
 बण घर बटी भया पछोना लै आनी ।
 छवटा नना जोंछें उनरा कीतोली के चानी ।
 छवट छवट ननु कणी चहा लैकी दिनी ।
 नी हय दूध उमें भया नो हयो लै चीनी ॥
 चीनी दूध के नी देखन फिकै लै पी जानी ।
 ननु कणी चहा नीदी नन रीसै जानी ॥
 राती पर से उठी बै चहा लै मागनी ।
 कीतोली चूलमा नी देखी ईथा उथा चानी ॥
 पांच की पन्दर हयी पन्दरै पच्चीस ।
 खाण पिणों के नी चैनी चहा की लै तीस ॥
 एक गिलास चहा पाणो पैस चार अना ।
 जमानै पारी आग लैर बधतै पर कना ॥
 यतुक महंगाई मज कस लकी कनी ।
 छटांग चहा पुड़ी दिय रुपै कनी ॥
 कीलो चहा दाम भया रुपैया अठारा ।
 सबु हैगो भाई बन्दो चहा मजा प्यारा ॥
 कथै लै के काम हय चहा पाली दिनी ।
 आओ बैठो दीदी भुली चहा पिओ कनी ॥

धन धना बहा कनू तिहणी नमना ।
 कम आई भाई बन्दो नईया जमना ॥
 सुणी लियो भाई बन्दो म्पर समानार ।
 के भल लागुछा भागी कुमाऊँ ले प्यार ॥
 इमजी मेंले लिखी रई नई पुराण बाता ।
 जतकणी गलतोया हलो दियो म्पर साता ॥
 य किताबा लिखी मेंले बिपता का मारी ।
 गरीबक च्यल छीं में फिकरा ले भारी ॥
 जस हल नक भल लगे लिया मन ।
 गरीबा हरीश मैता में भूलिया भना ॥
 न जमाना बाता लिखा लिखा ले आपण ।
 ऐले य किताब लिखणा मयू अधीना के हण ॥
 आधीना य लिखण रयू जम हैला गीता ।
 नक भल जस हल सुणी लिया भीता ॥
 के लिखनू किताबा ले टंमा नीछ मौका ।
 किताब लिखण भज पंली बटो शौका ॥
 आधिना ले सुणि लियो गीतों का बयाना ।
 जे करोला जस करील विष्णु भगवाना ॥
 य किताबा मज भया नक भल सदा ।
 पहाड़ी कुमाऊँ गोता सुणी लिया अबा ॥



गीत नं. १

असौज महीना म्यरी सासु विमार ।
 सासु का लछण देखी सौर तैयार ॥
 काम धन्धा मौका म्यरो सासु बहाना ।
 खाण पैलीं खेली पै नी खण बहाना ॥
 सासु क बहान म्यर मन यस कों ।
 तुम निखाण पाला में प्रदेशा नैहै जाछो ॥
 प्रदेशा जोला रहीला चैनमा ।
 सासु जस कली आपण मनमा ॥
 काम धन्धा मौका य हव बहाणा ।
 लगै असौज बै इनरी निखाणी ॥
 सौरा टैम पास तम्बाकु पिड़मा ।
 नो खान मैं खहै नी आनीं मैं नीना ॥
 सासु को तमासा देखुल पछोना ।
 असौजा नै गयो सासु सौरा जवाना ॥
 सासु हाथ बोड़ी सौरा हाथा पान ।
 आधीना रुणीमा मैं प्रदेशा न्है जुला ॥

गीत नं. २

पहाड़ इलैका म्यर अल्मोड़ा जिल बली ।
 देशा प्रदेशा देख पहाड़ रंगील बली ॥
 म्यों जौनु को देख बली म्यों जौनु को देख ।
 पहाड़ की आवा भाव बड़ी भली हैछ ॥ बली ॥

च्यल बेटी प्रदेशा जानी मन ही उदास ।
 च्यलें प्रदेशा जाण च्यली लै सरास ॥
 हमरा किसमत पारी जगा जगो पाड़ी ।
 करमा जती लिजा नक नी मानण बली

देश प्रदेश भया सब जगा फान ।
 चेली ता जवान हुई प्रया घरा बान ॥
 जय ध्य नक भल सौरास में रण ।
 कैकै के कसूस नीछ करमा आपण बली

करम की रेख की टाई सकूछ ॥ बली
 करम की रेख ह्यो जस लेखो पड़ । बली
 इथा उथा जाथा जानु करम दघड़ ॥ बली
 चेली बेटी सौरास जानी भलीक रय । बली
 करमा ता जती लिजा ऊथा जाण ह्यो बली
 पहाड़ इलाक मेरो अलमोड़ जिल बली

५

गीत नं. ३

म्यरी देश की प्यारी माटी मकणा खै देली ।
 जग जग देखी हैछ आपणी माटी भली ॥
 टैमा टैमा परि भया वरखा नो हली ।
 कसीका हैला डाई बोटी मेरी क्या कली ॥
 माटी की मेहनता भागी नो हली भरपूरा ।
 खेत मजा नाज निहल मट्टी में कसूरा ॥

मयर देश की प्यारी मिटी मैकणी खंदेली ।

मेहनता जै भली नी हलो माटी के कली ॥

फिर ले माटी दिई दिछै आपण ले सत ।

खेती का नाज जतुका हल अतुका बहौत ॥

जो पाटइमा चार डाई आंखों मैरे रीटी ।

राशन पाणी कतुक खानी अपणी खेती मीठी ॥

मयर देशकी प्यारी माटी मकणी खंदेली ।

कतुका चीजों कमियां हैजें माटी के कली ॥

मौव धरैहै ते माटीमा बहुत हैजा दूर ।

खेता मजा नाज नी हल ते माटीम कसूर ॥

नाज हल जतुका भागी तू सनतना रली ।

खेतों कजा दुबा नी चाइलु तू माटी केकली ॥

इथां उथां जथां जानु आपणी माटी प्यार ।

ते माटीमा चीज जाननी नै कतुक हजार ॥

के भली देखीछ भागी वो माटी की छेली ।

खेती मजा कत-मुना हैला माटी के कली ॥

देशा प्रदेश जथां जानु आपणी माटी भली ।

ते माटीमा जतुके हल खुशी दिललै खेतो ॥

य माटी की सबु कणी करणी हुई कामा ।

ते माटीमा जनीमी रयू सब भणा हमा ॥

ते माटी को जतुक सत उतुका दी दीछे ।
 चार डाई भल है रया कतुक खुशी हैछ ॥
 ते माटी की करण मेहनता है जाछ भरपूरा ।
 आपड़ हाथुल नीहै मेहनता माटी कसूरा ॥

अपना परिचय

जो कुछा गलता हल मैं माफ करण ।
 थोड़ा बात भाई बन्दो लिखनु आपण ॥
 सुणी लियो भाई बन्दो य मेरी पुकारा ।
 ईष्ट क सुमरण कनु तुमरा अधारा ॥
 किताबें कै पड़ी सुणी लगै लिया मना ।
 हरिश चन्द्र नाम म्यर मैं भूलिया भना ॥
 आपण पत भाई लिखी दिनु अब ।
 सुणी लिया भाई बैणी माफ कया सब ॥
 पहाड़ क रणी मेंता मौहणा में गौछ ।
 देवतला जात मेरी हरीशचन्द्र तौछ ॥
 पाली पछौ रणी मेंता हट्टी तल गेवाड़ ।
 मासी में डाकखान म्यर जिल अल्मोड़ा ॥
 ईतुका लै बात भाई आपण लेखनु ।
 गरोबी जीवन म्यर हाथ जोड़ी कनु ॥
 जो कुछ गलतियां हलीं मैं हाथ जोड़नू ।
 दिल्ली मजा प्राइवेटा काम मैं करनू ॥

चैत्र नवरात्रों में माता के भक्तों के लिए

नवीनतम भेंट

१. पूर्णागिरि देवी की कथा	१.५०
२. पूर्णागिरि देवी की यात्रा	७५
३. पूर्णागिरि चालीसा	५०
४. पूर्णागिरि इतिहास	५०
५. पूर्णागिरि महात्म्य	१.१०

शुभ सूचना

पूर्णागिरि माता का मेला जिला बरेली पीलीभीत से आगे टनकपुर जिला पिथौरागढ़ में चैत्र के नवरात्रों में होता है। माता के दर्शन करके अपनी मनोकामना पूरी कर सकते हैं। जो भक्तजन माता पूर्णागिरी के दर्शन किसी दुर्भाग्यवश नहीं कर पाते वे उपरोक्त पुस्तकों की प्रमल में लाकर यात्रा की कामना पूरी कर सकते हैं।

लेखक की आगामी रचना

मां की समता

पढ़िये !

Kumauni Sahitya Akademi DELHI-110006

